

0.0.1 mahādhammasamādānasuttaṃ

1. evaṃ me sutam: ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. tatra kho bhagavā bhikkhū āmantesi: bhikkhavo'ti. bhaddante'ti te bhikkhū bhagavato paccassosum. bhagavā etadavoca:

2. yebhuyyena bhikkhave sattā evaṃ kāmā evaṃ chandā evaṃ adhippāyā: aho vata aniṭṭhā akantā amanāpā dhammā parihāyeyyum, iṭṭhā kantā manāpā dhammā abhivaḍḍheyyunti. tesam bhikkhave sattānaṃ evaṃ kāmānaṃ evaṃ chandānaṃ evaṃ adhippāyānaṃ aniṭṭhā akantā amanāpā dhammā abhivaḍḍhanti, iṭṭhā kantā manāpā dhammā parihāyanti. tatra tumhe bhikkhave¹ kaṃ hetum paccethāti². " bhagavaṃmūlakā no bhante dhammā bhagavaṃnettikā bhagavaṃpaṭisaraṇā. sādhu vata bhante³ bhagavantamyeva⁴ paṭibhātu etassa bhāsitassa attho. bhagavato sutvā bhikkhū dhāressantī"ti. tena hi bhikkhave suṇātha, sādhu kaṃ manasi karotha, bhāsissāmīti. evaṃ bhanteti kho te bhikkhū bhagavato paccassosum. bhagavā etadavoca:

3. idha bhikkhave assutavā puthujjano ariyānaṃ adasāṃvī ariyadhammassa akovido ariyadhamme avinīto, sappurisānaṃ adassāṃvī sappurisdhammassa akovido

¹tatra bhikkhave (sī)

²taṃ kissahetu (syā)

³sādhu bhante (sī)

⁴bhagavantaññeva (mū, sī, machasaṃ, syā, pts)

sappurisdhamme avinīto sevitabbe dhamme na jānāti, asevitabbe dhamme na jānāti, bhajitabbe dhamme na jānāti, abhajitabbe dhamme na jānāti. so sevitabbe dhamme ajānanto asevitabbe dhamme ajānanto, bhajitabbe dhamme ajānanto abhajitabbe dhamme ajānanto, asevitabbe dhamme sevati sevitabbe dhamme na sevati, abhajitabbe dhamme bhajati, bhajitabbe dhamme na bhajati. tassa asevitabbe dhamme sevato sevitabbe dhamme asevato, abhajitabbe dhamme bhajato bhajitabbe dhamme abhajato aniṭṭhā akantā amanāpā dhammā abhivaḍḍhanti. iṭṭhā kantā manāpā dhammā parihāyanti. taṃ kissa hetu? evaṃ hetuṃ bhikkhave hoti yathā taṃ aviddasuno.

4. sutavā ca kho bhikkhave ariyasāvako ariyānaṃ das-sāvī ariyadhammassa kovido ariyadhamme suvinīto, sappurisaṇaṃ dassāvī sappurisdhammassa kovido sappurisdhamme suvinīto sevitabbe dhamme pajānāti⁵ asevitabbe dhamme pajānāti, bhajitabbe dhamme pajānāti abhajitabbe dhamme pajānāti. so sevitabbe dhamme pajānanto⁶ asevitabbe dhamme pajānanto, bhajitabbe dhamme pajānanto abhajitabbe dhamme pajānanto, asevitabbe dhamme na sevati, sevitabbe dhamme sevati. abhajitabbe dhamme na bhajati, bhajitabbe dhamme bhajati. tassa asevitabbe dhamme asevato sevitabbe dhamme sevato, abhajitabbe dhamme abhajato bhajitabbe dhamme bhajato, aniṭṭhā akantā amanāpā dhammā parihāyanti. iṭṭhā kantā manāpā dhammā abhivaḍ-

⁵jānāti (machasaṃ, syā)

⁶jānanto (machasaṃ, syā)

dhanti. taṃ kissa hetu? evaṃ hetam bhikkhave hoti yathā taṃ viddasuno.

5. cattārimāni bhikkhave dhammasamādānāni. ka-tamāni cattāri?

6. atthi bhikkhave dhammasamādānaṃ paccuppan-nadukkhañceva āyatiñca dukkha vipākaṃ. atthi bhik-khave dhammasamādānaṃ paccuppannasukhaṃ āya-tiṃ dukkhavipākaṃ. atthi bhikkhave dhammasamā-dānaṃ paccuppannasukhaṃ āyatiṃ dukkhavipākaṃ. atthi bhikkhave dhammasamādānaṃ paccuppannaduk-khaṃ āyatiṃ sukhavipākaṃ. atthi bhikkhave dham-masamādānaṃ paccuppannasukhañceva āyatiñca su-khavipākaṃ.

7. tatra bhikkhave yadidaṃ⁷ dhammasamādānaṃ pac-cuppannadukkhañceva āyatiñca dukkhavipākaṃ, taṃ avidvā⁸ avijjāgato yathābhūtaṃ nappajānāti. idaṃ kho dhammasamādānaṃ paccuppannadukkhañceva āyatiñca dukkhavipākanti. taṃ avidvā avijjāgato yathābhūtaṃ appajānanto taṃ sevati, taṃ na parivajjeti. tassa taṃ sevato taṃ aparivajjayato aniṭṭhā akantā amanāpā dhammā abhivaḍḍhanti. iṭṭhā kantā manāpā dhammā parihā-yanti taṃ kissahetu? evaṃ hetam bhikkhave hoti ya-thā taṃ aviddasuno.

⁷yamidaṃ (machasaṃ, syā, pts)

⁸aviddhā (syā)

8. tatra bhikkhave yadidaṃ dhammasamādhānaṃ pac-cuppannasukhaṃ āyatimaṃ dukkhavipākamaṃ, taṃ avidvā avijjāgato yathābhūtaṃ nappajānāti. idaṃ kho dham-masamādhānaṃ paccuppannasukhaṃ āyatimaṃ dukkha-vipākanti. taṃ avidvā avijjāgato yathābhūtaṃ appajā-nanto taṃ sevati, taṃ na parivajjeti. tassa taṃ sevato taṃ aparivajjayato anittā akantā amanāpā dhammā abhivaḍḍhanti. itthā kantā manāpā dhammā parihā-yanti taṃ kissa hetu? evaṃ hetamaṃ bhikkhave hoti ya-thā taṃ aviddasuno.

9. tatra bhikkhave yadidaṃ⁹ dhammasamādhānaṃ pac-cuppannadukkhaṃ āyatimaṃ sukhavipākamaṃ, taṃ avidvā¹⁰ avijjāgato yathābhūtaṃ nappajānāti. idaṃ kho dham-masamādhānaṃ paccuppannadukkhaṃ āyatimaṃ sukha-vipākanti. taṃ avidvā avijjāgato yathābhūtaṃ appa-jānanto taṃ na sevati, taṃ parivajjeti. tassa taṃ ase-vato taṃ parivajjayato anittā akantā amanāpā dhammā abhivaḍḍhanti. itthā kantā manāpā dhammā parihā-yanti taṃ kissahetu? evaṃ hetamaṃ bhikkhave hoti ya-thā taṃ aviddasuno.

10. tatra bhikkhave yadidaṃ dhammasamādhānaṃ pac-cuppanna sukhañceva āyatiñca sukhavipākamaṃ¹¹, taṃ avidvā avijjāgato yathābhūtaṃ nappajānāti. idaṃ kho dhammasamādhānaṃ paccuppannasukhañceva āyatiñca sukhavipākanti. taṃ avidvā avijjāgato yathābhūtaṃ

⁹yamidaṃ (machasaṃ, syā, pts)

¹⁰aviddhā (syā)

¹¹sukhavipākanti (machasaṃ)

appajānanto taṃ na sevati, taṃ parivajjeti. tassa taṃ asevato taṃ parivajjayato anittā akantā amanāpā dhammā abhivaḍḍhanti. itthā kantā manāpā dhammā parihāyanti taṃ kissa hetu? evaṃ hetam bhikkhave hoti yathā taṃ aviddasuno.

11. tatra bhikkhave yadidaṃ dhammasamādānaṃ paccuppannadukkhañceva āyatiñca dukkhavipākam, taṃ vidvā¹² vijjāgato yathābhūtaṃ pajānāti. idaṃ kho dhammasamādānaṃ paccuppannadukkhañceva āyatiñca dukkhavipākanti. taṃ vidvā vijjāgato yathābhūtaṃ pajānanto taṃ na sevati, taṃ parivajjeti. tassa taṃ asevato taṃ parivajjayato anittā akantā amanāpā dhammā parihāyanti. itthā kantā manāpā dhammā abhivaḍḍhanti taṃ kissa hetu? evaṃ hetam bhikkhave hoti yathā taṃ viddasuno.

12. tatra bhikkhave yadidaṃ dhammasamādānaṃ paccuppannasukham āyatim dukkhavipākam, taṃ vidvā vijjāgato yathābhūtaṃ pajānāti. idaṃ kho dhammasamādānaṃ paccuppannasukham āyatim dukkhavipākanti. taṃ vidvā vijjāgato yathābhūtaṃ pajānanto taṃ na sevati, taṃ parivajjeti. tassa taṃ asevato taṃ parivajjayato anittā akantā amanāpā dhammā parihāyanti. itthā kantā manāpā dhammā abhivaḍḍhanti. taṃ kissa hetu? evaṃ hetam bhikkhave hoti yathā taṃ viddasuno.

¹²viddhā (syā)

13. tatra bhikkhave yadidaṃ dhammasamādānaṃ pac-cuppannadukkhaṃ āyatimaṃ sukhavipākaṃ, taṃ vidvā¹³ vijjāgato yathābhūtaṃ pajānāti. idaṃ kho dhamma-samādānaṃ paccuppannadukkhaṃ āyatimaṃ sukhavipā-kanti. taṃ vidvā vijjāgato yathābhūtaṃ pajānanto taṃ sevati, taṃ na parivajjeti. tassa taṃ sevato taṃ aparivajjayato anittā akantā amanāpā dhammā parihā-yanti. itthā kantā manāpā dhammā abhivaḍḍhanti taṃ kissahetu? evaṃ hetamaṃ bhikkhave hoti yathā taṃ vid-dasuno.

14. tatra bhikkhave yadidaṃ dhammasamādānaṃ pac-cuppannasukhañceva āyatiṇca sukhavipākaṃ, taṃ vi-dvā vijjāgato yathābhūtaṃ pajānāti. idaṃ kho dham-masamādānaṃ paccuppannasukhañceva āyatiṇca su-khavipākanti. taṃ vidvā vijjāgato yathābhūtaṃ pajā-nanto taṃ sevati, taṃ na parivajjeti. tassa taṃ sevato taṃ aparivajjayato anittā akantā amanāpā dhammā parihāyanti. itthā kantā manāpā dhammā abhivaḍ-ḍhanti taṃ kissahetu? evaṃ hetamaṃ bhikkhave hoti yathā taṃ viddasuno.

15. katamañca bhikkhave dhammasamādānaṃ pac-cuppannadukkhañceva āyatiṇca dukkhavipākaṃ?

16. idha bhikkhave ekacco sahāpi dukkhena sahāpi domanassena pañātipātī hoti pañātipātapaccayā ca duk-khaṃ domanassaṃ paṭisaṃvedeti. sahāpi dukkhena

¹³viddhā (syā)

sahāpi domanassena adinnādāyī hoti adinnādānapaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena kāmesu micchācārī hoti. kāmesu micchācārapaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena musāvādī hoti. musāvādapaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena pisunāvāco¹⁴ hoti. pisunāvācapaccayā ca¹⁵ dukkhaṃ domanassaṃ paṭisaṃvedeti. sahāpi dukkhena sahāpi domanassena pharusāvāvo¹⁶ hoti pharusāvācapaccayā ca¹⁷ dukkhaṃ domanassaṃ paṭisaṃvedeti. sahāpi dukkhena sahāpi domanassena samphappalāpī hoti. samphappalāpapaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena abhijjhālu hoti. abhijjhāpaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena byāpannacitto hoti. byāpādapaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena micchādītṭhi hoti. micchādītṭhipaccayā ca dukkhaṃ domanassaṃ paṭisaṃvedeti. so kāyassa bhedaṃ parammaraṇā apāyaṃ duggatiṃ vinipātaṃ nirayaṃ upapajjati¹⁸. idaṃ vuccati bhikkhave dhammasamādānaṃ paccuppannadukkhañceva āyatiñca dukkhavipākaṃ.

¹⁴pisunāvāco (machasaṃ, syā)

¹⁵pisunāvācāpaccayā (sīmu); pisunāvācāpaccayā (machasaṃ, syā)

¹⁶pharusavāco (machasaṃ, syā)

¹⁷pharusāvācapaccayā (sīmu); pharusavācāpaccayā (machasaṃ, syā)

¹⁸uppajjati (sī)

17. katamañca bhikkhave dhammasamādānaṃ pac-cuppannasukhaṃ āyatim dukkhavipākam?

18. idha bhikkhave ekacco sahāpi sukhena sahāpi so-manassena pāṇātipātī hoti. pāṇātipātapaccayā ca su-khaṃ somanassaṃ paṭisaṃvedeti. sahāpi sukhena sa-hāpi somanassena adinnādāyī hoti adinnādānapaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena kāmesu micchācārī hoti kāmesu micchācārapaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena musā-vādī hoti. musāvādapaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena pisunāvāco¹⁹ hoti. pisunāvācapaccayā ca²⁰ sukhaṃ somanassaṃ paṭisaṃvedeti. sahāpi sukhena sahāpi somanassena pharusāvāco²¹ hoti. pharusāvācapaccayā²² ca sukhaṃ somanassaṃ paṭisaṃvedeti. sahāpi sukhena sahāpi somanassena samphappalāpī hoti. samphap-palāpapaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena abhiṃhālu hoti. abhiṃhāpaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena byāpanna-citto hoti. byāpādapaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena micchādiṭṭhi hoti. micchādiṭṭhipaccayā ca sukhaṃ so-manassaṃ paṭisaṃvedeti. so kāyassa bhedaṃ param-

¹⁹ pisunāvāco (machasaṃ, syā)

²⁰ pisunāvācapaccayā (sīmu); pisunāvācā paccayā (machasaṃ, syā)

²¹ pharusavāco (machasaṃ, syā)

²² pharusāvācapaccayā sīmu; pharusavāpaccayā (machasaṃ, syā)

maraṇā apāyaṃ duggatiṃ vinipātaṃ nirayaṃ upapajjati. idaṃ vuccati bhikkhave dhammasamādānaṃ paccuppannasukhaṃ āyatiṃ dukkhavipākaṃ.

19. katamañca bhikkhave dhammasamādānaṃ paccuppannadukkhaṃ āyatiṃ sukhavipākaṃ?

20. idha bhikkhave ekacco sahāpi dukkhena sahāpi domanassena pāṇātipātā paṭivirato hoti. pāṇātipātā veramaṇīpaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena adinnādānā paṭivirato hoti. adinnādānā veramaṇīpaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena kāmesu micchācārā paṭivirato hoti. kāmesu micchācārā veramaṇīpaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena musāvādā paṭivirato hoti. musāvādā veramaṇīpaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena pisunāya vācāya²³ paṭivirato hoti. pisunāya vācāya veramaṇīpaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena pharusāya vācāya²⁴ paṭivirato hoti. pharusāya vācāya veramaṇīpaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena samphappalāpā paṭivirato hoti. samphappalāpā veramaṇīpaccayā ca dukkhaṃ domanassaṃ paṭisaṃvedeti. sahāpi

²³pisunāvācā (sīmu)

²⁴pharusāvācā (sīmu)

dukkhena sahāpi domanassena anabhijjhālu hoti. anabhijjhāpaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena abyāpannacitto hoti. abyāpādapaccayā ca dukkhaṃ domanassaṃ paṭisaṃvedeti. sahāpi dukkhena sahāpi domanassena sammādiṭṭhi hoti. sammādiṭṭhipaccayā ca dukkhaṃ domanassaṃ paṭisaṃvedeti. so kāyassa bhedā parammaraṇā sugatiṃ saggaṃ lokaṃ upapajjati²⁵. idaṃ vuccati bhikkhave dhammasamādhānaṃ paccuppanna-dukkhaṃ āyatiṃ sukhavipākaṃ.

21. katamañca bhikkhave dhammasamādhānaṃ paccuppannasukhañceva āyatiñca sukhavipākaṃ?

22. idha bhikkhave ekacco sahāpi sukhena sahāpi somanassena pāṇātipātā paṭivirato hoti. pāṇātipātā veramaṇīpaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena adinnādānā paṭivirato hoti. adinnādānā veramaṇīpaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena kāmesu micchācārā paṭivirato hoti. kāmesu micchācārā veramaṇīpaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena musāvādā paṭivirato hoti. musāvādā veramaṇīpaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena pisunāya vācāya²⁶ paṭivirato hoti. pisunāya vācāya veramaṇīpaccayā ca sukhaṃ somanassaṃ paṭisaṃvedeti. sahāpi sukhena

²⁵uppajjati (sī)

²⁶pisunāvācasi (katthaci)

sahāpi somanassena pharusāya vācāya²⁷ paṭivirato hoti. pharusāya vācāya veramaṇīpaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena samphappalāpā paṭivirato hoti. samphalāpā veramaṇīpaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena anabhijjhālu hoti. anabhijjhāpaccayā ca sukhaṃ somanassaṃ paṭisaṃ vedeti. sahāpi sukhena sahāpi somanassena abyāpannacitto hoti. abyāpādapaccayā ca sukhaṃ somanassaṃ paṭisaṃvedeti. sahāpi sukhena sahāpi somanassena sammādiṭṭhi hoti. sammādiṭṭhipaccayā ca sukhaṃ somanassaṃ paṭisaṃvedeti. so kāyassa bheda parammaraṇā sugatiṃ saggam lokam upapajjati. idaṃ vuccati bhikkhave dhammasamādānaṃ paccuppanna-sukhañceva āyatiṇca sukhavipākaṃ.

23. imāni kho bhikkhave cattāri dhammasamādānāni.

24. seyyathāpi bhikkhave tittakālāpu²⁸ visena saṃsaṭṭho, atha puriso āgaccheyya jīvitukāmo amaritukāmo, sukhakāmo dukkhapaṭikkūlo, tamenam evaṃ vadeyyum: 'ambho purisa, ayaṃ tittakālāpuvisena saṃsaṭṭho. sace ākaṃkhasi piva²⁹. tassa te pivato³⁰ ceva nacchādessati vaṇṇenapi gandhenapi rasenapi. pivi-

²⁷ pharusāvācā (sī, katthaci)

²⁸ tittakālābu (machasaṃ, pts, sī, katthaci); tittikālābū (syā)

²⁹ pīpa (sīmu)

³⁰ pi to (sīmu)

tvā³¹ ca pana maraṇaṃ vā nigacchasi³² maraṇamat-
taṃ vā dukkhanti. so taṃ apaṭisaṅkhāya³³ piveyya, na
paṭinissajjeyya³⁴. tassa taṃ pivato ceva nacchādeyya
vaṇṇenapi gandhenapi rasenapi. pivitvā ca pana ma-
raṇaṃ vā nigaccheyya maraṇamattaṃ vā dukkhaṃ.
tathūpamāhaṃ bhikkhave imaṃ dhammasamādānaṃ
vadāmi yamidaṃ³⁵, dhammasamādānaṃ paccuppanna-
dukkhañceva āyatiṇca dukkhavipākaṃ.

25. seyyathāpi bhikkhave āpānīyakaṃso vaṇṇasam-
panno gandhasampanno rasasampanno, so ca kho vi-
sena saṃsaṭṭho, atha puriso āgaccheyya jīvitukāmo
amaritukāmo, sukhakāmo dukkha paṭikkūlo. tame-
naṃ evaṃ vadeyyuṃ: 'ambho purisa, ayaṃ āpānīya-
kaṃso³⁶ vaṇṇasampanno gandhasampanno rasasam-
panno, so ca kho visena saṃsaṭṭho. sace ākaṅkhasi
piva. tassa te pivato hi kho chādessati vaṇṇenapi gan-
dhenapi rasenapi. pivitvā ca pana maraṇaṃ vā nigac-
chasi maraṇamattaṃ vā dukkhanti. so taṃ apaṭisaṅ-
khāya piveyya, na paṭinissajjeyya. tassa taṃ pivato hi
kho chādeyya vaṇṇenapi gandhenapi rasenapi. pivi-
tvā ca pana maraṇaṃ vā nigaccheyya maraṇamattaṃ
vā dukkhaṃ. tathūpamāhaṃ bhikkhave imaṃ dham-
masamādānaṃ vadāmi yamidaṃ dhammasamādānaṃ
paccuppannasukhaṃ āyatiṃ dukkhavipākaṃ.

³¹ pītva (sīmu)

³² niggacchasi (syā)

³³ appaṭisaṅkhāya (machasaṃ, syā)

³⁴ nappaṭinissajjeyya (sī, machasaṃ, syā, pts)

³⁵ yadidaṃ (syā)

³⁶ āpānīyaka so (syā)

26. seyyathāpi bhikkhave pūtimuttam nānābhesajjeḥi saṃsaṭṭham, atha puriso āgaccheyya paṇḍurogī. tamenam evaṃ vadeyyum: 'ambho purisa, idaṃ pūtimuttam nānābhesajjeḥi saṃsaṭṭham. sace ākaṅkhasi piva. tassa te pivato hi kho nacchādessati vaṇṇenapi gandhenapi rasenapi, pivitvā ca pana sukhī bhavissasī'ti. so taṃ paṭisaṅkhāya piveyya na paṭinissajjeyya. tassa taṃ pivato hi kho nacchādeyya vaṇṇenapi gandhenapi rasenapi. pivitvā ca pana sukhī assa. tathūpamāhaṃ bhikkhave imaṃ dhammasamādānaṃ vadāmi yamidaṃ dhammasamādānaṃ paccuppannadukkhaṃ āyatim sukhavipākaṃ.

27. seyyathāpi bhikkhave dadhi ca madhu ca sappi ca³⁷ phāṇitañca ekajjhaṃ saṃsaṭṭham. atha puriso āgaccheyya lohitapakhandiko. tamenam evaṃ vadeyyum: ambho purisa, imaṃ dadhi ca madhu ca sappi ca phāṇitañca ekajjhaṃ saṃsaṭṭham, sace ākaṅkhasi piva. tassa te pivato ceva chādessati vaṇṇenapi gandhenapi rasenapi pivitvā ca pana sukhī bhavissasīti. so taṃ paṭisaṅkhāya piveyya, na paṭinissajjeyya.⁴ tassa taṃ pivato ceva chādeyya vaṇṇenapi gandhenapi rasenapi. pivitvā ca pana sukhī assa. tathūpamāhaṃ bhikkhave imaṃ dhammasamādānaṃ vadāmi yamidaṃ dhammasamādānaṃ paccuppannasukhañceva āyatiñca sukhavipākaṃ.

³⁷ dadhiñca madhuñca sapapiñca - sīmu

28. seyyathāpi bhikkhave vassānaṃ pacchime māse saradasamaye viddhe vigatavalāhake deve ādicco nabhaṃ abbhussukkamāno sabbhaṃ ākāsagataṃ tamagataṃ abhivihacca bhāsati ca tapati ca virocati ca, evameva kho bhikkhave yamidaṃ dhammasamādānaṃ paccuppannasukhañceva āyatiñca sukhavipākaṃ, tadaññe puthusamaṇabrāhmaṇaparappavāde abhivihacca bhāsati ca tapati ca virocati cāti.

29. idamavoca bhagavā. attamanā te bhikkhū bhagavato bhāsitaṃ abhinandunti.